



棟亭詩鈔目錄

卷五

桃花泉

并序

泉在使院西側味澹於常水五月從

駕返署卧疴移日始試此泉作示從吏兼待竹村


題王南村焦麓別銘圖

鴉鳴歌

晚晴將之真州和查查浦編修來韻

題汪東山修撰秋帆圖

喜程恥夫至





真州使院偶題

西舍小軒落成漫題

真州述懷奉荅徐道積編修翫月見寄原韻  
雨中病起讀詩館諸公見寄篇什有作

登署樓適培山至用東坡真州詩韻同賦

署樓寓目成咏

西軒月夜有懷南洲却寄

留題香葉山堂

芷園弟及劉晦  
菴常游於此

謁文山先生祠

東城泛舟至齋僧館誦愚山先生榮園句和

雪坪來韻

和秋谷見寄韻

題西軒竹

江村雜咏

過舊縣

途次示姪驥

謁孟廟

題胡靜夫小照

題啓南先生莫斫銅雀硯圖

詩局竹下小酌題卓鹿墟出師小照

西軒納涼口號

望雨謠

納涼課程沈二生詩

雨後遣懷

哭東山修撰

夢中咏白秋海棠醒足成之

題朱赤霞畫對牛彈琴圖

椿下二首

喜三姪頎能畫長榦為題四絕句

送夢菴北上

南轅雜詩



松亭詩鈔卷五

桃花泉 并序

泉在使院西側味澹於常水五月從

駕返署卧疴移日始試此泉作示從吏兼待竹邨

衙齋倦治理筦鑰司寒泉何以沆修綆餅居憂在

先蚩蚩溲汗久不食寧非天館人啓晨封急雨漂

春鮮清泠徹指掌虛白搖櫨椽所欣近几榻肅若

臨高巔撫榦時一畝庭宇風翛然流俗惡作始擴

達思後賢公餘問饘粥茗櫝方同煎

千山曹寅子清





題王南村焦麓別銘圖

近代雲間稱好手，撫碑今復在山巔。  
冷金蟬翼無由辨，浪打雷轟亦醒然。

雨餘北固山全碧，風起江門種種聲。  
何許孫劉真事業，流觀泛覽足平生。

鴉鳴歌

老烏巢生八九子，羣栖未栖起先起。  
紅窗夢破呀嚶啞，古樹風搖畢逋尾。  
朝來月墮衙鼓鳴，親切離巢三五聲。  
東門鸚鵡還飛逐，枝上芻尼不出城。  
落花寒食雷塘路，迴翔幾觸抨弓怒。  
多生留得衆人

憎目睜燈花，豈無故雨鳴。  
鴉有時累汝，襦褌乳哺兒。  
孤村流水連，翻意繡幕金籠那易知。

晚晴將之真州和查查浦編修來韻

治劇得無悶，往還形乃勞。  
蕪城有新句，霽色被林臯。  
詩屋嬾重徙，漁竿行獨操。  
長帆望京口，不遠送香醪。

題汪東山修撰秋帆圖

七條秋水作琴聲，一路清暉侍母行。  
究竟主恩忘不得，觚稜寒影畫初程。

雨榻蟲燈對簡書，廣陵新漲足鱸魚。  
天涯滿眼孤



帆興夢裏東臯薄笨車

喜程恥夫至

官齋熱如釜有客說黃山奇極語難造畫長心肯  
閒石松雲瀑布空翠冷潺湲彷彿乘鸞去天風滿  
珮環

真州使院偶題

我愛真州老樹陰江天疎豁散煩襟米囊鹽筴了  
公事估唱漁歌無俗音永日坐忘歸鵲噪晚山清  
並夏雲深誰家臺閣屏風樣不撥輕撓到碧潯

西舍小軒落成漫題

旋葺瓜牛架岸船大藏山海小游仙雲濤三面無  
屏障老樹當庭數百年  
風灑餅蓮滿印牀畫長童子侍焚香舊時紈綺稀  
來往久遣笙歌出畫堂  
捲幔全無一點塵牛欄馬隊絕諸鄰爲誰却掃規  
模盡只是風流遜古人

真州述懷奉荅徐道積編修翫月見寄原

韻

課吏不課程百里半九十讀書不讀律知一二乃  
失東行迫瓜期車馬未嘗出褒衣對衡秤匝月困



已極宿逋因之清豪猾橫不得常聞先民教萬事  
水就濕況托君子交遠矚凌風翼貽我明月篇挂  
在樹下室涼風入袍袴舉手絕蟣蝨東渚好池館  
北酒滿服匿何時乘興來船檻久拂拭荷花雖零  
落霽景轉悽惻遙望江南山已換秋眉色願携同  
夢人莫使長相憶

雨中病起讀詩館諸公見寄篇什有作

雨淫情弗戒藥餌慚深居茲晨理荒緒始發邗城  
書邗城眉睫間渺若凌歸墟洪波白日遠楊柳秋  
風疎本意述間闊什襲來瓊琚高懷托盈滿妙語  
多軒渠一時鷺羽扇想集幽人廬軒窗倒奩鑑淬  
出千芙蓉誦之輒已病欲往仍次且凡民困時疴  
展轉無遽篠俯視不能救四野皆停緒緬邈携手  
日悵望登樓初嗟哉把柔翰我俗何時除

登署樓適培山至用東坡真州詩韻同賦

客思莽無極登樓非偶然西風晴十日南浦別經  
年憶發楓香使期乘漢口船那遲秋汛水竟卸早  
湖蓮和寡瑤琴破飛孤錦翼偏與君同雪涕何術  
不霜顛蕉葉難爲夢桃花舊有泉服官愁過日識  
字悔終天奴馬移家乘庖廚載野煙毋勞問行館



窗月正清娟

署樓寓目成咏

頓丘柳色亂煙鬟  
胥浦漁帆杳靄間  
殘日一輝終戀水  
竒雲百變不成山  
羣飛鳧鴨迎潮去  
結隊蜻蜒送雨還  
好倩長風掃晴翠  
緩扶明月下銀灣

西軒月夜有懷南洲却寄

戟門候吏散  
月上天池平  
銅槃滅華燼  
解帶歸西楹  
案牘積久卸  
據梧興方生  
嘿然百蟲內  
孤坐含餘清  
素壁只一堵  
砌竹無千莖  
誰翻古水色  
寫出秋風聲  
此懷匪冥漠  
持取問同情

留題香葉山堂

芷園弟及劉晦菴常游於此

楚江山遠送晴暉  
老樹懸香客未歸  
細馬小輿三百步  
荒塍間擾鷺鷥飛

白沙翠竹江村口  
攔楯紆迴似我家  
當戶幽叢紅滴滴  
西風開滿斷腸花

驀塢穿谿千片石  
支窗擁几一龕燈  
二時粥飯無功課  
老作梅花樹下僧

謁文山先生祠

清肅瞻儀表  
叢祠枕水宮  
兩間存正氣  
一脈接隆中  
世有人心鑒  
天如國步窮  
明明大江月  
吹薦白



蘋風

東城泛舟至齋僧館誦愚山先生榮園句

和雪坪來韻

幽躅無遐蹤遠轡有促界如何白沙城不令煙水  
隘沿綠葦間去檣艣逼官廨輕撓敵兩驂百舞鮮  
一絳古來工詩徒舉事每踈快安知後廿稔擬此  
作嘉話葭莢花已茸檉柳葉未敗清吟徹龍淵狂  
笑脫狗砦豈異濠濮游允協齊諧怪即賞感前修  
隨流問時派寥寥水風因泔泔蟲魚會莫振齋堂  
鐘我耳夜來贖

和秋谷見寄韻

頻憶拏舟逐仙侶百城煙水渺茫間海鷗自狎原  
無主蘆燕辭秋更不還世許娥眉供調笑士求龍  
腹配高閒何由嬾酌秦郵酒雙擘蠻箋坐碧山

題西軒竹

官寮寒上日野竹最禁秋地瘠難抽笋窗高亂點  
頭粉香羣雀詫院靜午蜂遊自是西軒主幽人豈  
厭幽

江村雜咏

救救復力力一犁春雨晴牆頭杏花白屋角雌鳩



鳴高眠不轉枕熟識人牛聲

耕煙閣

老柏拗勁枝攫拏風雨煙舊聞姚給諫破產鬻平

泉谿堂各賓主相對兩蒼然

香葉山堂

真州無菊花馬上作重九糝糊京口山醉倒邗溝

酒怊悵曲欄杆西風萬楊柳

見山樓

渠渠蔭夏屋與與垂嘉禾何由際豐豫孝悌力田

多絳趺不可作慨咏思笙歌

華黍齋

太古雲世界大地兜羅綿虛白結遙想鴻濛橫眼

前杖藜破滌顛一笑凌華巔

東谿白雲亭

陸地石折軸水次石沉舟巧錘蒼山骨倒種生龍

虬菁華意不泯肥遯終焉求

巖漑

長梢千纛旂短筇萬箬箭叢生荒江濱勢與怒濤

戰微風觸粉香猶作驚蛇竄

箬筩徑

臨流插拒霜綠淨磨青銅秋紅弄姿首游儵疑乘

空幽人啓板屋初日光矇矓

芙蓉泚

巾車既息駕老鶴亦嬾飛邀遮淪漣水顧惜翩躚

衣誰為縛幽柴略約通漁磯

度鶴橋

梅岑感前因結茅對清境呀然六窗開獨設八關

淨落照憺無人空林滿孤磬

因是菴

故人遺手澤丹楯迴崇岡可憐歌舞處雨濕薜蘿



香風流易銷歇回首南山陽

一草亭故人  
劉晦菴題

磊砢不跌草乳桐間作花江聲月狼籍農事春蘿

苴高懷據塵表此樂非田家

乳桐  
嶺

過舊縣

洛水感初遇魚山空舊聞棲遲西魯道慷慨東阿  
君古石壘積鐵寒流生細雲如何汶泗上日噪烏  
鳶羣

途次示姪驥

執射吾家事兒童慎挽強熟嫻身手妙調服角筋  
良猛類必先殪竒材多用張風塵求志士抽矢正

盈房

見獵心猶喜忘筌理或然生駒盤宿莽伏兔起寒  
田極勢騁羣快當機決一先懸知得意處濡血錦  
鞍韉

吾年方半百兩臂已枯株駕馭氣每厲馳驅樂久  
無可堪揮白羽安事踐青蒲卧護江湖晚餘生任  
舉眾

謁孟廟

沙溪縈百疊山骨黝而清殿陞肅喬木鑪煙開午  
楹組圭羣弟子袞冕古先生後代論私淑綸言仰



聖明

題胡靜夫小照

愛戴夫須跣跣行  
捧書常伴可憐生  
鬪雞還是城東去  
莫對時髦說舊京

錢牧齋贈詩有卜家園內澆花  
了閑向城東說鬪雞故及之

題啓南先生莫斫銅雀硯圖

未央宮中一尺瓦  
不知遺恨漳河下  
錫花雷布誰作模  
鴛鴦離合無真假  
阿瞞心雄天厭足  
平生只欠西陵哭  
飛來銅雀亦辜恩  
可憐難覆如花肉  
與奸作瓦罪莫辭  
與人作硯遭磷淄  
粉身何惜鹿盧碎  
渴筆恐辱屠沽兒  
隱君正史先救硯  
麟經獨炳

丹青傳君不見瓊林寶藏無  
不收王莽之頭斬蛇

劍

詩局竹下小酌題卓鹿墟出師小照

驀漫行哦坐舉杯  
小窗苔竹繫詩媒  
共君何事消寒儉  
除換常山大槩來

西軒納涼口號

滲綠鎔金素壁開  
長廊午後好徘徊  
明知不藉西風力  
橫被高梧壟斷來

科除巾襪是吾家  
時起經行興亦賒  
五十尚嫌情害道  
晚堦乾煞女兒花



驀忽垂楊十五年那容泥絮不風蟬少時無賴今  
思否一路柔條接酒邊

萬疊煙江千柱宮三山夢想伴神翁回頭錯笑人  
間熱不信南華是夏蟲

細腰矯健看蜂兒獵得玄蟬一股屍衝起似防山  
鵲見粉牆斜角觸蛛絲

坐消南困三升穀磨滅東家幾冊書六月此間無  
白鳥藤輪隨意入華胥

望雨謠

海雲轟轟吹龍風玄芝倏變金芙蓉江雲飄飄急

奔馬江北譌傳雨符下朝來巷陌仍如焚八榻灼  
手不可捫蒼生垂頭望蘇息九衢寸步飛黃塵去  
年六月雨翻盆鍾山朝朝雲出門今年六月竭陂  
澤膚寸不肯通網緼山兮巔童耳豈聵赤子嗷嗷  
亦可畏幽天赫赫勢霧霈雷公振鐸驅山碎旱魃  
聾蟲慘莫支家家當戶縹冰絲陰陽順馭安河嶽  
眼見西成鼓腹時

納涼課程沈二生詩

一點桐花一滴冰夜堂禪板沒鋒稜阿婆伎倆有  
時盡之子精勤今見稱羗笛何心移別調曹溪無



路到南能憑誰滿薦新涼意石葉玲瓏不隔燈

雨後遣懷

蟬以鳴為事涼秋遂革音空搖抱枝影未斷轉丸  
心綏弁想從古壳遺傳至今商聲滿天地蟋蟀漫  
長吟

卵生因草化蝮蜓率多羸自肉食不盡跂行誰爾

為虎狸雙言莫解

鄰猫多捕食之俗  
云狸與虎為雙

塘雀禍相追淨洗秦

宮毒高枝夜雨摧

哭東山修撰

戚戚意如失懂懂心孔悲斯人已萎折癘憊空奚

為一辰遽忍痛千齡恨長遺瓦雞與陶犬乃得恒  
追隨誰為井里舊視此顛連危堂有白髮親室有  
呱呱兒畢生日豈瞑後死身焉辭窈窕菖蒲灣夙  
昔夢見之絕席寡諧笑弱骨驚支離願言事常友  
寤處中獨疑安知是決別不復相持携輝煌白虎  
觀滅没青藜枝弘文購削草敝篋搜新詩徒揮清  
夜涕四壁多漣沍

夢中咏白秋海棠醒足成之

拱生舊說雲臺觀大葉曾推祇樹林無夢誰憑花  
作想有情空訝粉沾襟一叢冷豔披黃子幾點秋



蘭愜素心試問明珠綠底淚斷垣荒砌不堪尋

雲臺

觀海棠生石間者徑長丈餘大如拱惠應寺僧種葉有大如笠者

題朱赤霞畫對牛彈琴圖

柳風颼颼白石碣玄晏先生騁玄賞何人致此殼  
棘羣三尺龍脣困鞅掌麻姑海上栽黃竹成連改  
製無聲曲仙宮岑寂愁再彈烏犢白牯俱不俗瑩  
角翹翹態益工寢譌齷飼函真宮朱絃弛絙大雅  
絕箏箏世反稱絲桐桐君漆友應難解玉軫金徽  
究安在老顛寧為梁父吟老革詎作雍門嘒此調  
不傳聽亦靡刻畫人牛聊復爾一笑雲山杜德機

閉門自覓鍾期子

椿下二首

老樹運秋霞輪困綠滿家遶堦收鳳眼合幕綴藤  
花蟻穴流膏注蟲天入望賒何人橐蕭斧留蔭誦  
南華

蔓草連窩翠篁梢迸籜泥院香花怯爪雲冷月藏  
迷老景隨依住閒情付赫蹠兒童宜晏起莫責汝  
南雞

喜三姪頎能畫長幹為題四絕句

墨瀋鱗皴蟄早雷後生蜂蝶儘知猜一家准勅誰



修得壓卷詩從笨伯來

補之畫梅蜂蝶皆集高宗謂之准勅惡梅

八尺能伸自在身好花長是要精神古來奇雅無

多子偽記龍城作美人

羅浮事見柳子厚龍城雜記乃王性之偽作也

妙香一樹畫難描淚灑荒園百草梢此日天涯深

慶喜也如歷劫見冰消

子猷畫梅家藏無一幅

清暘出谷影槎杈不比前村一兩家耐取春工正

濃意何妨桃李共開花

### 送夢菴北上

倚杖思維已後時布颿挂起亦相宜揚州送別情  
多少却對寒泉理鬢絲

### 南轅雜詩

金鞍夾道擁朱軹餞飲茶酥勝一時解道玉關人

易老倩誰檀板播新詞

宋蔡挺學士事見揮塵餘話

五侯恩例盡珠鞶舊日佞童半服官疲馬屨長貪

路遠菰蘆叢裏伴漁竿

留別親友

青塚流經此黑河古來嗚咽最聲多莫欺暉聳閒

身手猶記山陰勅勒歌

蘆溝

兩朝中據使臣才混一車書闢草萊欲識前遼古

灰洞一行培塿潦滄洄

洞灰

廣寧分衛十三山遼海收兵破陣還一自白溝龍



戰後空餘翟第葬完顏白溝河

野水孤村嬾縛橋冰船浮淖馬蹄遙土膏犁耙占

年穰卯月驚雷應昨宵二月十四日驚蟄雷雨

班班車又到河間紅杏風流杳莫攀來去牆隅數

行墨令人長憶鵲華山阜城驛有阮亭題壁

婁江酒董別酸甜上第青齊落二三擬酹一卮無

藉草滿駝春色下江南往時慕廬宗伯與余評酒謂酸愈於臭臭愈於甜瓠餅第列以露白為最

不無私也貫酒德州車過腹痛慨涕及之

隋宅唐移失徙薪漁陽一炬燬飛燐就令李郭功

名盛已是焦頭爛額人過平原

驪駒小駟白藤輿銀鹿時來問起居睡美不知浮

汶水西軒春雨落梅初汶上

亞聖祠前山幾堆行人乞與賣漿杯如何二月東

風冷不遣青天一雁回雁見

林間繫馬集歸鴉屋上炊煙指歇家隨處風光期

好語奚兒爭拾白楊花滕人呼白楊花為無事忙

尾山船子太湖漁飄撇煙波不定居好是全家佩

筇筓數聲欵乃過沙虛尾山漁皆太湖人

罡風吹落大羅天戲馬龍山在眼前有樂不殊三

百載無人寄問李青蓮黃樓



建炎無後歎君臣鬼社紛紜孰與親切記禍媒非  
促召祇應寅亮是奇人

桃山驛岳忠武祠忠武諫儲致猜紹興中興紀事本末載之最詳世以金

牌班師為憾而史則以金牌促召不赴為罪皆不然也

手裂黃裙事亦奇亂離天護岳家兒誰憐一滴冬

青血翻作庚申萬古疑

奉祀忠武碑云韓林兒之變忠武十五代孫妻姚氏手裂黃裙部勒僮僕

占地以存岳氏明萬曆間始得奉祀

野山獻齒獻草颺颺遙指飛雲入宿州頭白輿廝相

顧笑馬蹄不似少年游

夾溝諸驛呼鷹處來往廿七八年矣

船網發卒屯田廢罔牧徵金馬政荒太息前朝根

本地不將餘力教農桑

荒莊

赤茁勾萌葉未勻催花不信上林春深山老屋無

啼鳥鈍置閣黎是路人

過大柳驛僧舍牡丹未開題壁

巾箱鬢鬢鎮長閒車戶迎風久閉關今日情懷身

抖擻眼明應是見鍾山口

出浦口



棟亭詩鈔目錄

卷六

廣陵載酒歌

題丁雲鵬玉川煎茶圖

和安節詠軒前竹

竹村惠硯

苦雨獨酌謝竹村使君見貽盆蘭有作

題蕭冶堂小照三首

過海屋李晝公給事出家伶小酌留題

再至廣陵讀南州學士諸同人紅橋泛舟詩



述和一首

王元章梅花

方屋前竹

游仙詩三十韻和汪蘿山

鹿墟貽餅中海棠

讀張鷟判未終卷江雨乍來見牆角殘榴尚

紅偶憶舊事成一律

小樓

六月十日竹村大理南洲編修勿荈徵君過  
訪真州寓樓有作

觀打魚歌

後觀打魚歌

真州送南州歸里

二月四日雨後北門探梅限韻

西城看梅吳氏園

過隱園

雨霽半閣玉蘭初開憶西軒依安節韻

題王髯月下杏花圖

客餽洋茶半開戲題

和竹礪姪上巳韻



使院種竹

思仲軒詩

并序

思仲杜仲也俗呼爲櫛茅可食其木美蔭而益下在使院西軒之南託物比興蓋有望于竹村悲吾弟筠石焉爾作思仲軒詩和喬俊三東村書屋詩

真州寄題朱林修青谿書屋依茶村格時林

修方葺青谿志

天池泛舟和冷齋

再和冷齋時字

和汪度若夜行至龍潭

期卓子任及諸同人不至

鴨

歸舟聞度曲

鷺

聞隔城荷香有作

沿河秋花

舟次贈曾師

岸上水牯

電影



鹿墟冶堂夜歸不及送題扇却寄

八月三日熱甚同鮑又昭王允文唐序皇王

植夫泛舟至池口柳下

江口網魚夜歸

月夜和卓鹿墟見懷韻

東園偶題

月夜送伯琴林修歸金陵

晚酌同九迪秋屏鹿墟元威又昭允文冶堂

俊三序皇拈得七虞

漁灣

并序

沙漫洲有隙地漁子多集其間予時以酒  
勞之郡人因作亭名之曰漁灣示不忘漁  
也

夜長不寐戲效誠齋體真州使院作



棟亭詩鈔卷六

廣陵載酒歌

千山曹寅子清謨

廣陵截漕船滿河廣陵載酒車接軻時平政和粟  
米賤官閒事少賓朋多從來淮海盛文讌近時翰  
墨崇賢科春寒連朝愁跨馬泥途跬步誰相過瓦  
廳深深架岸舫竹窗影影搖晴波已遣長瓢滌三  
雅更分小戶排雙螺升階果見褐裘至刺閨叵奈  
鳴騶何蜀岡花林障紅錦平山詩版埋青莎前人  
風流豈終極後生糟粕空蹉跎醉鄉我久託閭閻



歡場那不狗干戈即今鯨吞作豪舉自古蛇足憎  
纖苛老拳鴟張有餘勇快博橫決無媿耍帽擲竟  
識袁彥道腹煩可要蕭摩訶謂文濤徵  
又二生諸君莫憚數  
枚爾餘子亦誚棄甲那哄堂大噱白醉散出門相  
視朱顏醜

題丁雲鵬玉川煎茶圖

風流玉川子磊落月蝕詩想見煮茶處頽然麾扇  
時風泉逐俯仰蕉竹映參差興致黃農上僮奴若  
箇知

和安節詠軒前竹

策策春簷影抽空綠已深移根欣得所護楯有同  
心眼見去年笋耳添清夜音牛羊紛踐踏鄰舍莫  
相侵

竹村惠硯

邸舍餘閑困墨逋平生石友慰操觚已成身老求  
名劍自笑家貧獲美姝三沐論交期白首八行視  
草玷清臚綠楊城郭東風靜還許餘酣作枕無

苦雨獨酌謝竹村使君見貽盆蘭有作

舊雨誰來殢酒頻苦吟消得落花嗔春餘閨月如  
逋客坐有叢蘭似解人掃城最知防蟻早搏沙先



事護根勻爲君三嗅枯脾活已覺微香竟體身

題蕭冶堂小照三首

朱茄散清芬石罅坐詩老何許入遥思池塘夢春  
草

鷗波既浩淼魚乳仍空青我豈入流客臨風慚影  
形

終年不脫鞵那識解襪樂平生謝幼輿相望滿丘  
壑

過海屋李畫公給事出家伶小酌留題

造次不辭過知君憐我真紅鵝催送酒蒼鶻解留

人曲子舊衮尾桃花長等身眼中無白髮相見總  
傷神

再至廣陵讀南州學士諸同人紅橋泛舟

詩述和一首

青溪挂席去小艇橫江來煙水猝相背河亭誰共  
陪顏風翼餘子雅韻傳深杯猶及渚蓮色冶紅零  
亂開

王元章梅花

山陰王孝子姑射是前身凍葢嚼冰雪布衣超等  
倫森芒垂鹿角天矯化龍鱗欲創梅花閣誰爲賢



主人

方屋前竹

君家一叢竹適意數能來  
綠韻和酣夢空窗無醖  
苔不堪漁作具休假笛爲材  
自刈閒門草還因拂  
拭開

游仙詩三十韻和汪蘿山

久識長安賣墨翁  
蕃釐觀裏說飄蓬  
不知天海嬉  
何處笑拉雲將入枕中  
暫時相見別怔忡  
薰髓三杯欲倒松  
自是長年便  
脚力不勞童子出呼龍

借得青田鶴一雙  
閒乘花月翫春江  
無端下界飛  
符急已遣綿雲護石缸

小術尋常學鬪碁  
五千黑白最先知  
饒君一格心  
降否負局先生是我師

塵世難量倚伏機  
靜驅猫犬閉巖扉  
多生福薄休  
輕試搦雪還能污道衣

絳節朱旛奉起居  
後前夾轂盡螭魚  
九天誥籙無  
甄別的是真仙不讀書

叢桂蒙茸上一隅  
擬求鴻烈問之無  
小疵亦受千  
年罰却望蓬山是畏塗



憶從梁父禪天齊又逐榮光祀碧雞多事鯁生騰  
口舌寰區空著道東西

何須土木視形骸幾見仙人破冢埋昨過華陰逢  
李白一齊拍手笑洪厓

生小雲英自託媒遠煩六禮絕嫌猜可知花燭婚  
成後也要劉綱作賀來

苦煉三彭候守神凡人亦得避庚申靈檀自扣無  
消息虎豹年來塞九闈

鴻蒙綠氣淨網緼不許頑仙茹五葷聞說大羅嚴  
考戒獨留清醴貺茅君

老倦西荒禮羨門東華優列上卿尊乘除甲子知  
多少喜見軒轅後代孫

素女哀絃徹夜彈姮娥自耐九秋寒空同未出人  
間世更聽容成說大丹

璇室琳宮禁往還黃庭罷讀卧蕭閑日長也覺安  
慵慵不過長松大石間

華嶽峰頭一瓣蓮飄風吹過月輪天絳河正好乘  
流上若箇凡夫犯斗邊

嬾向紅塵琢玉簫海山虛度可憐宵曉來懨懨歸  
何急老鶴耽眠鳳放嬌



五舌新簧始合巢誰家噴遂起潛蛟山人自有還  
山奏不愛霓裳借譜鈔

解啖綏山亦足豪掃花又著半年勞雲中一樣閒  
雞犬何事桃源只種桃

青溪煙水復煙蘿來往青溪得放歌羨爾居然聳  
詩骨洞天逸韻不嫌多

武彛初致紫靈芽荅貺包魚禮未奢方外何妨罄  
情語刀兵小劫過瓊花

種得金華道士羊裘來少室禹餘糧老饕口腹非  
多累自揀山中卻眈方

混茫盤古記無名莊列搜羅闕考評來日玉京修  
逸史何人不媿老通明

日下東荒未著經海山寥廓秘真形誰知九點齊  
州外別孕乾坤一派青

毋勞黠鼠嚙枯藤我本幽棲學凍蠅要識刀圭無  
口訣羣魔耐盡自飛昇

邸舍焚香得靜修庭前白日任西流乍來弟子思  
家切不許開窗上北樓

胎仙欲舞疊琴心終古無人共賞音莫挾長離過  
東海四山蟲鳥正號吟



仙家兒女態多憨游戲蓬茅燕子龕擲得一雙蒼  
水玉珮聲雖好不宜男

笑傲人間白玉蟾千年一住跡長淹詩成便返青  
天去遺下琅函第幾籤

酌月尊空且自緘雨餘瑶草莫教芟牆陰預記來  
時事一葉鑿江雪滿衫

鹿墟貽餅中海棠

聊爲春陽破吝慳東風饒作海棠顛別燒銀燭裁  
餅史亂簇組鈴近舞筵賸有紅情三月半乍拋清  
夢十年前吳公臺下花如澥嬾趁蘭橈到酒邊

讀張鷟判未終卷江雨乍來見牆角殘榴

尚紅偶憶舊事成一律

五行愁不下媚眼獨丹榴殘惜過時豔炎知接代  
秋狂花宜沐雨小徑總浮漚即作餘霞想高綏已

白頭

吹萬云花似垂綏公纓  
七曲首重每垂似之

小樓

小樓祇合卧高閑白日空簾學閉關確是畫圖無  
筆法一行昏綠隔江山

六月十日竹村大理南洲編修勿莽徵君  
過訪真州寓樓有作



野閣俯羣碧連山遶參差雲光互虧蔽風雨來無  
時白日欲毀暑葭莢方離披纖絃不堪御六月滄  
江湄余非事閒逸年已羞驅馳養疴就丘園運拙  
安公私龍門渺何際駟馬勞先施相過值梅里有  
客棲天池沿流識挈音宿契符心期平生攸好德  
動輒逢師資君等信仁者寸七扶瘡疲精持鹽鐵  
論磨厲瓊琚詞開襟競蕭爽雅泳浮漣漪居然挹  
冰雪詎待清飈吹

觀打魚歌

白沙城南觀打魚日長一舸臨泱泱亭午纔移水

界涼青山正遠潮頭上不愁澆潏隨潮長只怕顛  
風吹五兩撇眼旋看鳧鷖飛鳴榔早徹江天響亦  
有延緣鬪素鱗沉鉤塞默浮鳥榜意氣那爭手捷  
多波濤要辦心雄往垂老應知口腹貪望洋轉起  
煙嵐想漫誇游豫逐時閑苦似爬搔除背癢迴颿  
重譜竹枝歌斜陽罷曬芙蓉網

後觀打魚歌

江上打魚仍再來使君好事兼攜酒白舫青簾穩  
若山蛉蜻舴艋便如手咫尺不虞飛雨至蒼涼但  
聽跳珠走四座休張翠錦衣一觴且酌蛟龍數人



生樂事無不有華屋高軒豈長久援繫終成車絀  
桑响濡何異魴穿柳我輩期毋負飲食百年誰肯  
依梁筍暫留餘興續清歡此地空靈神所守

真州送南洲歸里

江上白沙空白雲江頭歸客醉紛紛楚波一望不  
終夕吳艣數聲長憶君玉頰細緼仍久待見內犀錢  
利市定教聞含經堂下鋤芸處無事休題白練裙

二月四日雨後北門探梅限韻

十日春寒不出門東坡梅花時節雨翻盆東風刻意  
催殘九霄色隨人入小園向晚林亭爭破白乍飛

山鳥寂無言不知搖落誰賓主捲幔仍來負早暄

西城看梅吳氏園

輕輿細馬喚遊頻較雨量晴動浹旬老我曾經香

雪海五年今見廣陵春

自甲申歲至揚州從  
駕復命率四五月始返

山鄰青玉

村浮水

西城有  
青玉鄉

城轉紅橋道少人且就高臺賒暝色

暫邀飛片綴衣巾

過隱園

門巷逶迤掃落紅園林又換一番風水苔架閣魚  
游上金尾閑籠草没中籠中孔雀已為  
有力者取去墨淋依稀留堵

壁

晚研南溪兩學  
士題壁猶在

歌聲隱約隔簾櫳

余與郭元威徵歌  
于此今廿五年矣

無人



更識嬉春意聊共飛花歎轉蓬

雨霽半閣玉蘭初開憶西軒依安節韻

小閣輕寒護夕陽隔簾晴色是花光只疑開處全  
離雨不覺虛空盡染香有分千卮迎月御儘傾殘  
醞洗梅粧西軒兩樹參差玉卧起何人遶畫廊

題王髯月下杏花圖

牆頭馬上紛無數望去新紅第幾家前日故巢來

燕子同時春雨葬楝花憑誰墨筆描全袖

唐詩女郎全足袖杏子一林花自啓丹爐點宿砂三十六宮人盼斷

幸金盆空影月西斜

客餽洋茶半開戲題

淺擘鞞紅皺纈開半含寶氣脫珠胎豔應蠻女咀

香去竒為商胡販海來吉了詛春渾不省唐花紛

笑總成堆倭稱中國花為唐花謾矜貴種披帷出還遣當風更

築臺

和竹磻姪上巳韻

上日宜稱巳已春來三月三老拋修禊筆句合麗

人簪幙井桃花水穿街賣薺籃紅橋正泥濘游騎

莫駮驪

使院種竹



泉南有遺址委積成荒墟墾除昔未力草藟紛紜  
纏疇能翦其根廓蕩存中邊嗟非太古土溲淳空  
人煙昨宵值雷雨洗滌開芋眠頗思簞篋君卧起  
相周旋井甃既加甃小徑通軒前雖無匝檻花即  
景多嫵娟褰衣各致手逸事由今傳

園丁劬玉來弛擔露猶藉憂憂窗戶間影已暈寒  
碧攢筇或三五築柢必千百長恐顛風搖動遭猛  
雨圻藥闌布春泥意亦謹主客人生幾逆旅投足  
每跼迹時無王子猷兀坐豈終夕明年抽新萌會  
見穿我壁

藝植非耑師愛好率天性詎鮮肉食人攻苦亦難  
併个中廊宇深水暖兩幽暎可以緩帶游時復理  
談柄序當春夏交野鳥漸堪聽呼兒掃綠苔隨意  
列几甃孰云鷹門勞能此白日靜比鄰得羊求來  
逞數乘興

夕月凌春煙吹墮古亭右流光上琅玕婉孌如刺  
繡仙人叱青鸞俗目罕能覲驚風一飄飄逸氣不  
可囿帝丘杳何期埃壘彌宇宙所賴素心侶洗伐  
脫泥垢世占利執徐此語益悠繆惟有君子貞周  
防庶長茂



思仲軒詩 并序

思仲杜仲也俗呼為櫛芽可食其木美蔭而益下在使院西軒之南託物比興蓋有望于竹村悲吾弟筠石焉爾作思仲軒詩

東隅麗初霽庭木敷春滋碎蘂不任掃啞軋雅鳥兒問名為藥樹辛平入肝脾散膚中含綿布子秋離離昔人營棟宇特惜輪囷竒樗散味古處欄楯違心期今年移叢竹匹植當連漪緒風播檀欒前後青參差於中設繩牀永日來支頤豈異得至友殷勤慰調飢為子護嘉蔭長王母過時

方書例廣哀寓懷託思仲仙迹雖多誣令我心魄動音容杳無期前夕曾入夢想逐冥漠游尻馬自飛狂隻身念老兄諸子尚乳湏骨肉尠舊歡飄流涉沈痛憶汝持節來錦衣貌殊衆舉眼歷十稔拱木已成棟餘生繭浮雲一逝豈能控因風寄哀絃中夜有餘恫

和喬俊三東村書屋詩

臘醅浮蟻淋春灰喜助腰鎌刈草萊園斷手自去冬十肋易

成因樹屋一岑難點護門苔教馴麋鶴期同性鹿園

鶴各一雙句當風花笑獨來能與康山結通隱居鄰康山老



据如甕筍如孩

真州寄題朱林修青谿書屋依茶村格時

林修方葺青谿志

買斷青谿是這家草堂風幔淨雲沙別來卷帙稍

增否開到江乘白藕花

林修與予同聚書之癖

晚風一曲鼓頻撾買斷青谿是這家白日上春橋

下水可分餘潤注煙花

玉麟蒼雪沈苔井涼月水天誰管領買斷青谿是

這家卷簾賒取鍾山影

慧業惺惺例詡夸山經水緯眼麻沙鯁生寸管非

竒特買斷青谿是這家

天池泛舟和冷齋

信國祠南水漫流一回落日一來遊非干沙鳥能

留客少待林風自返舟渚没賞花潮臨孟

月初旬潮來四孟時

岸翻楊葉雨迎秋

土占柳葉轉則雨果驗

跨江月出清癯甚昨

夜窺人傍小樓

再和冷齋時字

衙鼓聲銷吏散時簿書堆裏脫身遲波香如助抽

帆喜鴨隊誰教啓鑰知

天池放柵有馴鴨每出前引

設色晴巒雲片

段鑿空澄碧樹參差一條風景難收拾除染髣髴



付畫師

和汪度若夜行至龍潭

出門乘月色巾拂意先涼  
小睡歌籃筍長游倦馬  
韁半山初入夜百里未離鄉  
一路秋蟲語茶煙在  
野航

期卓子任及諸同人不至

僂指巡詩侶行期阻片雲浮  
梁無過舫清坐又斜  
曛吟樹蟬相對窺汀鷺不羣  
微風消白汗矍鑠羨  
吾軍

鴨

柵邊閒引隊解喚豈無心  
唼喋眠秋水蹒跚下碧  
潯睨人多背櫓識路共投林  
游演那拘束鷗波不  
可尋

歸舟聞度曲

燈隱月出水夜涼簫引風低  
徊七字內窈窕一聲  
中沐雨菱絲滑遮人柳影空  
寂然知韻遠沙際泣  
秋蟲

鷺

雪翼不輕下孤飛野艇前  
自來幽意淡相就晚風  
偏綠占空巢雨波橫故渚  
煙月涼人捲釣清淺宿



魚天

聞隔城荷香有作

北風不可繪妙解北風涼漫滅冰天想遙叅荷葉  
香白頭新破戒用比丘竊香事彩筆各登場有句非情及城  
東半堵牆

沿河秋花

野色秋來早煙光漸可人草花仍帶豔蛺蝶不思  
春軟繡分微眇生紅乞比鄰多金鳳花前蹊多月露籬  
落更精神

舟次贈曾師

爾是漁菴客滄浪獨挂罾共移深岸柳相識半龕  
燈消息隨眠起魚蝦自減增夜天羣動絕疑對水  
雲僧

岸上水牯

秋水半河渾秋沙壅樹根羣嬉牧牛子大好夕陽  
村解拳時驅渡鳴牟各記門平灘無蚱蜢煙火足  
黃昏

電影

雨意聊蕭盡河光黯黯開初猶披霧曠久不藉風  
霾曠野多淒露空江少怒雷柳邊敲石火漁父亦



徘徊

鹿墟冶堂夜歸不及送題扇却寄

城上蝦蟆更點遲摘船剛過夜漁時一雙詩老酣  
眠去唯有西灘宿鷺知

八月三日熱甚同鮑又昭王允文唐序皇

王植夫泛舟至池口柳下

霞燒連江晚晴多白露天轉延秋後熱還就樹間

眠賣色花無主焚香水有煙

時共讀鹿牀食  
色觀至楞嚴

如何說涼

意霜魄在西偏

江口網魚夜歸

隔岸長山走翠虬蒹葭風動半江秋酒旗舊識魚  
蠻子水檻新移沙漫洲鱸豸也隨時令美網罟須  
趁夜潮收市橋燈火惺惺月可照漁舟照客舟

月夜和卓鹿墟見懷韻

小院長窗徹夜明炷煙不起覺香清老遲乳鵲分  
枝睡秋逼涼潮上岸平庭樹於人俱寂歷風光隨  
月自經營白頭爲報能詩侶飛過江臯一鶴聲

東園偶題

障泥騎馬怯相過倒盡東池萬柄荷秋色劇看紅  
槿在林香遙集翠禽多一分未坼霜苞豔半日虛



聞獲稻歌重上梯樓收野趣匝簷高柳晚風和

月夜送伯琴林修歸金陵

野盡覺秋貧廳寒月笑人高柯搖木葉清霰攪梁  
塵忽忽生離思悠悠問住身江潮將候雁余意亦  
南親

晚酌同九廸秋屏鹿墟元威又昭允文治

堂俊三序皇拈得七虞

江船歸近夜相呼酒盡何愁滿眼酤夢裏前塵三  
度過冬來漫興一篇無短檠不耐難官燭好語還  
思捋客鬚明日放閒公事少插花重醉錦鞵瑜

漁灣

并序

沙漫洲有隙地漁子多集其間予時以酒勞  
之郡人因作亭名之曰漁灣示不忘漁也

漁獵咸一塗黠者去其機我心樂煙水口已忘甘  
肥婁東昔投綸層波激堆碕滄浪笑子美日暮空  
苓歸胥浦跡匪故游處事亦稀豈乏連牛餌愁築  
兼山磯三江滙廣川白茭花霏微伐洲拓新宇巢  
窟相因依雲濤浩無垠漁帆著天飛不結一目網  
焉知海鳥饑盤古去人遠

西北有  
盤古山

山水存幾希茲灣

適當中遠近含清暉時來駕酒舫滿挂青蓑衣昨



夕夢西塞翠色連崔巍玄真倘來游留此待晨晞  
夜長不寐戲效誠齋體

枕畔分明絕點更一身此際百無營如何老大偷  
心戲將耳堦前待葉聲

有情恒與睡爲讐燈燼香寒合罷休賺得紅蕤剛  
半熟不知殘夢散揚州

調伏烏龍力許賒雙門譜出眼難遮斯人畢竟輸  
童智頭觸屏風一字斜

冰雪崖前合曉遲踏穿敗絮笑誰知明朝啜粥更  
衣去又看行眠坐盹時

尚中索書真州東園子有愧焉作詩留別

情見乎辭

廬陵揭高文珠斗羅青天楮墨向千載咳唾猶芳  
鮮金石諒難久木臂計豈堅三朝一劫灰江澣空  
寒煙城郭已非昔居民重勞遷井里不可辨池臺  
創何年真州控南紀舳艫蔽通川魚鹽甲天下豪  
侈風相沿吳子守世澤僻處城東偏畦稜近百晦  
水木環青芊詎少風塵交來往多華顛讀書必希  
聖命志思承先汲古自得師度日惟一編請我書  
綽楔擘窠當門前苦辭面流汗其意審亦賢轉運



愧承乏交征動箠鞭幸謝私門賓久捐公帑錢施  
許亦猶人政績今歸然仰懷歐陽子再拜當題鐫  
游觀拉詩偶行邁經城阡夏殘記初來朱槿花始  
然瓦亭陰炎曜萬人涵清連解衣登畫舫舉盞聽  
鳴蟬西風何飄飄霜葉隨飛騫歸裝際倥傯離思  
紛拏牽進止兩刺促枘鑿仍方圓述哲羞既往競  
美嗟新妍奐兮清讌堂櫨枿皆楠榿子酌六一翁  
更誦歸田篇

廣陵同人多和不寐詩再疊前韻

傳舍聊蕭榻未更寢衣重沓費經營多生眠業難

修到更唱陽關第一聲

六夢紛紛倦考讐燈窗自視息休休此間風月無  
根實未必浮名換益州

來去游仙事已賒午天有路不曾遮白頭轉習嬰  
兒行長倚熏爐過日斜

茶熟香溫得句遲重帷未捲鵲先知慵騰一味誰  
相共多在夔夔曙鼓時





一



